



## ENTREGATU BEHARREKO JUSTIFIKAZIO-DOKUMENTAZIOARI ETA LAN-EGOERAREN ALDAKETARI BURUZKO JARRAIBIDEAK

### 1. ORDEZKAPENAK EGITEKO AUKERAK

#### 1.1. Eman beharreko hizkuntza-eskakizuna

Eman beharreko hizkuntza-eskakizuna une honetan egiaztatuta duzun eta Hezkuntza Sailaren datu-basean erregistratuta dagoena baino handiagoa bada, eman nahi duzun hizkuntza-eskakizunaren egiaztagiria aurkeztu beharko duzu.

#### 1.2. Irakaskuntza hirueledunen aukera

Eskatzen den titulazioa ez badago Hezkuntza Sailaren datu-basean erregistratuta, aurkeztu egin beharko duzu.

Maiatzaren 15eko 73/2012 Dekretuan (EHAA 2012/05/29) ezarritako baldintzak betetzen dituzten pertsonak hautatu ahal izango dute aukera hau:

- Filologia, Filosofia eta Letretako (Filologia atala) eta Itzulpengintza eta Interpretazioa Lizentziatura, eskatutako hizkuntzan, edo Gradu baliokidea.
- Itzulpengintza eta Interpretazioa diplomatua eskatu duzun hizkuntzan.
- Eskatu duzun hizkuntzan atzerriko hizkuntzan gaikuntza edo espezialitatea duen maisua.
- Dagokion hizkuntzan Hizkuntzen Europako Erreferentzia Marko Bateratuko B2 maila edo handiagoa, maiatzaren 15eko 73/2012 Dekretuaren eranskineko titulu edo ziurtagiriren baten bidez egiaztatua, Hezkuntzako sailburuaren 2019ko ekainaren 3ko Aginduaren bidez eguneratua (EHAA, 2019/06/10).

#### 1.3. Zerrendak

a) Aurkeztu titulazio eta/edo prestakuntza pedagogiko eta didaktiko berria, beti ere izena eman duzun zerrenda berrietan sartzeko gaituko duena, "Gehitu beste zerrenda batzuk titulu berria aurkeztuta" atalaren bidez.

Prestakuntza pedagogikoa eta didaktikoa egiaztatzeko moduari dagokionez, kontsultatu indarrean dagoen 2012ko abuztuaren 27ko Aginduaren 8.3 artikulua. Kontsultatu bertsio eguneratua hemen:

[https://www.euskadi.eus/contenidos/informacion/langile\\_d\\_cand\\_sust\\_normativa/eu\\_def/adjuntos/Orden\\_27\\_agosto\\_2012\\_26\\_02\\_2019\\_e.pdf](https://www.euskadi.eus/contenidos/informacion/langile_d_cand_sust_normativa/eu_def/adjuntos/Orden_27_agosto_2012_26_02_2019_e.pdf)

b) Erljio katolikoaren zerrendaren kasuan:

- Erljio-zerrendan sartuta bazeunde eta, behin-behinekoz, hala jasota badago 2023/2024 ikasturterako hautagai-fitxan, bertan jarraitu nahi baduzu, Missio Canonica berritzeko eskatu beharko duzu, alegazioak aurkezteko epearen barruan. Missio Canonica lanean ematen jarraitu nahi duzun lurralde historikoko erlijio-agintaritzak emango du, honako mezu elektronikoko hauen bidez:

Araba/Álava: [educacion@diocesisvitoria.org](mailto:educacion@diocesisvitoria.org)

Bizkaia: [hezkuntza@bizkeliza.org](mailto:hezkuntza@bizkeliza.org)

Gipuzkoa: [irakaskuntza@elizagipuzkoa.org](mailto:irakaskuntza@elizagipuzkoa.org)

- Erljio-zerrendan lehen aldiz izena eman nahi baduzu, edo zerrenda horretako beste lurralderen batean, Missio Kanonikoa edo baimena eskatu beharko duzu aurreko puntuan adierazitako posta elektronikoa. Izena emateko, Hezkuntza Saileko web orrian argitaratutako Gidan adierazitako jarraibideen arabera egin behar duzu; eta maila eta lurralde historikoari dagokion Missio Kanonikoa erantsi beharko duzu ("Dokumentazioa entregatzea" atalean, eta horren barruan "Ordezkatzeko aukerak aldatzea" atalean).

c) Gorputz-hezkuntzako zerrendaren kasuan: kirol-teknikariren titulazio jakin batzuk izanez gero, kirol-irakaskuntzako moduluak eman ahal izango dira Eusko Jaurlaritzako Hezkuntza Sailaren Kirolene zentroan (Durango, Bizkaia). (Ikusi dokumentu honen amaieran eranskina, tituluen zerrenda jasotzen duena). Egiaztatzeko, titulu horien kopia aurkeztu beharko da; edo, bestela, Hezkuntza, Kultura eta Kirol Ministerioak Kirol Kontseilu Gorenaren bidez egindako homologazioa.

### 2. LAN-EGOERA ALDATZEA

Oharra. - 2023-2024 ikasturtean prest egotearen eragina.

Birbaremazio-prozedura hau amaitzean zerrendetan prest egoeran dauden pertsonak, 2023-2024 ikasturtean lanpostu baten nahitaezko esleipendun (ofizioz) izan daitezke Ordeztagunearen esleipen-prozesuetan.

### 3. MEREZIMENDUAK EGIAZTATZEKO DOKUMENTAZIOA (Ikusi merezimenduen baremoaren I. eranskina)

LAN-BITZTA BEHIN BAKARRIK AURKEZTU, ERANTSITAKO IRAKASKUNTZA-, HEZKUNTZA- ETA/EDO LAN-ESPERIENTZIA GUZTIA EGIAZTATZEKO.

#### 3.1. Irakaskuntzako esperientzia

Ikastetxe publikoetan emandako zerbitzuak egiaztatzeko:

- Beste autonomia-erkidego batzuetakoak: izendapena edo kontratua eta kargu-uztea, edo, hala badagokio, zerbitzu-orria.
- Europar Batasunaren barruko edo kanpoko estatuak: beste autonomia-erkidego batzuetako zerbitzuak bezala egiaztatuko dira. Gainera, dagokion hezkuntza-administrazioaren dokumentua aurkeztuko da – zinpeko itzulpenarekin batera –, beti ere egiaztatzeko ikastetxea publikoa dela eta emandako irakaskuntzak arautuak direla.

Baimendutako ikastetxe pribatuetan emandako zerbitzuak egiaztatzeko honako dokumentu hauek aurkeztu beharko dira:

- Lan-kontratua, NANA eta lan-bizitza.
- Salbuespen gisa, lan-kontratua aurkeztu ezin duenak ikastetxeko zuzendaritzak emandako ziurtagiria emango du, Ikuskaritzaren oniritzi gabe, eta Hezkuntza Sailak zuzenean jasoko du. Azken kasu horretan, lan-bizitza ere aurkeztuko da.



### 3.2. Hezkuntza-esperientzia

Haurreskolak Partzuergoan haur hezitzaile gisa lan egin duten pertsonak, beti ere zerbitzu horien zenbaketa hautagai-zerrendan agertzen ez bada edo azken urteko zerbitzuen zenbaketa falta bada (**2021eko irailaren 1etik 2022ko abuztuaren 31ra**), on-line baimena eman ahal izango dute Interneteko helbide honetan: [www.irakasle.eus](http://www.irakasle.eus) - "Identifikazio-datuak". Horrela, Hezkuntza Sailak zerbitzu horiei buruzko datuak kontsultatu ahal izango ditu. Horrela, ez da zerbitzu horiek justifikatzeko dokumentaziorik aurkeztu behariko eta Hezkuntza Sailak Partzuergoaren eskutik beharrezko datuak jaso ahal izango ditu.

Baimenik eman ezean, izangaiak Hezkuntzako sailburuaren 2019ko otsailaren 20ko Aginduaren I. eranskineko 1.3.b atalean adierazitako dokumentazio edo egiaztagiria aurkeztu behariko dituzte (EHAA, 2019/02/26).

Aipatutako Partzuergotik kanpo lan egin dutenek ezin izango dute adierazitako baimena eman, eta honako agiri hauek aurkeztu behariko dituzte:

- Administrazio publikoak edo pertsona kontratatzaileak emandako ziurtagiria, haur hezitzaile gisa zerbitzuak eman direla eta zein alditan izan diren adierazten duena, edo kontratuaren fotokopia soila.
- GSDOk emandako ziurtagiria (2022/08/31n eguneratua).

### 3.3. Prestakuntza akademikoa

Betekizun moduan alegatutako tituluaren espediente akademikoaren batez besteko nota baloratzen da ("Merezimenduen baremoa" I. eranskineko 2.1 atala).

Gainera, beste lizentziatura batzuk, graduak, diplomaturak, masterreko titulu ofizialak eta doktoregoak baloratzen dira (I. eranskineko 2.2tik 2.5era bitarteko atalak). Atzerrian eskuratutako tituluaren kasuan, homologazioa edo lanbide-kualifikazioaren aitortpena aurkeztu behariko da.

### 3.4. Espezialitateko lan-esperientzia

Lanbide Heziketako irakasle teknikoaren kidegoari eta Arte Plastikoetako eta Diseinuko tailerreko maisu-maistren kidegoari erreserbatutako irakasgaiei soilik aplikatu dakieke.

Hiru agiri hauek aurkeztu dira:

- Enpresak emandako ziurtagiria, zerbitzuen iraupena adierazten duena, edo kontratua. Aurkeztutako dokumentuak egindako lana zehaztu behariko du.
- GSDOk emandako ziurtagiria, enpresaren izena eta alta-aldiak jasotzen dituen (2022/08/31n eguneratua).
- Administrazioaren mendeko ikastetxe publikoetan irakasle gisa egindako jarduera eta bigarren jarduera bat bateragarriak direla onartzen duen ebazpenaren kopia, jarduera hori aldi berean egin bada.

Autonomo gisa zerbitzuak eman badira, gainera, Jarduera Ekonomikoen gaineko Zergan (EJZ) alta emanda dagoela egiaztatzen duen ziurtagiria aurkeztu behariko da.

### 3.5. Musika-jarduera/Jarduera artistikoa

Musika-irakaskuntzako edo arte-irakaskuntzako espezialitateetan izena emanda duten hautagaien zatik bakarrak da baremagarria.

## 4. BESTE DATU ETA/EDO ALEGAZIO BATZUK

Hautagaiaren fitxan adierazitako merezimenduen baremazioarekin ados ez daudenean "beste datu eta/edo alegazio batzuk" atala bete behariko dute. Hemen, zein atalekin ados ez dauden zehaztu eta dagokion justifikazio-dokumentazioa aurkeztuko dute.

## 5. NAHITAEZKO ERRETIROAK

Nahitaezko erretiroa hartzeko adinera iritsi izana zerrendatik kanpo geratzeko arrazoia da. Hala ere, arrazoi hori ez da aplikatuko baldin eta hautagaian honako bi baldintzak ematen badira:

- Nahitaezko erretiroa hartzeko adina betetzen duen ikasturterako birbaremazio-prozesuan jardunean jarraitzea eskatzea eta, gainera, izendapen jarraituak izatea aipatutako adina betetzen den egunetik aurrera.
- 65 urterekin, gizarte-aurreikuspeneko araubideari buruzko arauen arabera, ez egiaztatzea pentsioaren ehuneko ehuna sortzeko beharrezkoak diren zerbitzu- edo kotizazio-urteak.

Zerbitzu aktiboan jarraitzea ezin izango da inola ere luzatu 70 urtetik gora edo pertsona horrek urte bakoitzean dagokion erretiro-pentsio maximoaren onuradun izateko beharrezko baldintzak betetzen dituen unetik aurrera.

Beraz, adierazitako egoeran dauden pertsonak -zerrendetatik kanpo ez geratzeko- idazki bat aurkeztu behariko dute jardunean jarrai dezaten eskatzeko, "Bestelako datuak eta/edo alegazioak" atalean.

## 6. GAZTELANIA EDO EUSKARA EZ DEN BESTE HIZKUNTZA BATEKO DOKUMENTAZIOA

Beste hizkuntza batean dagoen dokumentazioa Euskal Autonomia Erkidegoko bi hizkuntza ofizialetako batean egindako itzulpen ofizialarekin batera aurkeztu behariko da. Hau, zinpeko itzultzaileak egina edo dagokion kontsulatuak edo bulego diplomatikoak balioztatua egon behariko da.



## ERANSKINA / ANEXO

Modalitatea / Espezialitatea Modalidad /Especialidad	Behar den Titulua Título requerido
Saskibaloia / Baloncesto	Goi Mailako Kirol-Teknikaria Saskibaloian Técnico Deportivo Superior en Baloncesto
Atletismoa / Atletismo	Goi Mailako Kirol-Teknikaria Atletismon Técnico Deportivo Superior en Atletismo
Futbola / Fútbol	Goi Mailako Kirol-Teknikaria Futbolean Técnico Deportivo Superior en Fútbol
Areto-Futbola / Fútbol Sala	Goi Mailako Kirol-Teknikaria Areto-Futbolean Técnico Deportivo Superior en Fútbol Sala
Eskubaloia / Balonmano	Goi Mailako Kirol-Teknikaria Eskubaloian Técnico Deportivo Superior en Balonmano
Judoa / Judo	Goi Mailako Kirol-Teknikaria Judoan Técnico Deportivo Superior en Judo
Eski Alpetarra / Esquí Alpino	Goi Mailako Kirol-Teknikaria Eski Alpetarrean Técnico Deportivo Superior en Esquí Alpino
Snowboard / Snowboard	Goi Mailako Kirol-Teknikaria Snowboard-ean Técnico Deportivo Superior en Snowboard
Bela Aparailu Fijoarekin / Vela con Aparejo Fijo	Goi Mailako Kirol-Teknikaria Aparailu fijoan Técnico Deportivo Superior en Vela con aparejo Fijo
Urpekaritza / Buceo	Eskafandra autonomoa duen Kirol-Teknikaria Urpekaritzan Técnico Deportivo en Buceo deportivo con escafandra autónoma
Salbamendu eta Sorospena / Salvamento y Socorrismo	Goi Mailako Kirol-Teknikaria Salbamendu eta Sorospenean Técnico Deportivo Superior en Salvamento y Socorrismo
Saka / Barrancos	Kirol-Teknikaria Sakan Técnico Deportivo en Barrancos
Mendi Ertaina / Media Montaña	Goi Mailako Kirol-Teknikaria Goi Mendian Técnico Deportivo Superior en Alta Montaña
Goi Mendia / Goi Mendia	Goi Mailako Kirol-Teknikaria Goi Mendian Técnico Deportivo Superior en Alta Montaña
Eskalada / Escalada	Goi Mailako Kirol-Teknikaria Eskaladan Técnico Deportivo Superior en Escalada
Piraguismoa ur bizietan / Piragüismo aguas bravas	Goi Mailako Kirol-Teknikaria Ur Bizietako Piraguismoan Técnico Deportivo Superior en Piragüismo de Aguas Bravas
Piraguismoa ur lasaietan / Piragüismo aguas tranquilas	Goi Mailako Kirol-Teknikaria Ur Lasaietako Piraguismoan Técnico Deportivo Superior en Piragüismo de Aguas Tranquilas
Jolas-Piraguismoa Ur bizietako Gida / Piragüismo Recreativo Guía de Aguas Bravas	Kirol-Teknikaria jolas-Piraguismoan Ur Bizietako Gida Técnico Deportivo en Piragüismo Recreativo Guía de Aguas Bravas